

虞徵士
遺書

四明張氏約園開雕

虞徵士遺書序

嘗攷餘姚志虞光虞成虞鳳虞欽世傳孟氏易

虞翻別傳曰翻

初立易注奏上曰臣高祖父故零陵太守光少治孟氏易曾祖父故平輿令成續述其業至臣祖父鳳爲之最密臣先考故日南太守欽受本於鳳最有舊書世傳其業至臣五世云云經義攷述之皆當時一

邑之望而行事不備其著者始虞仲翔所撰易註張茗

柯惠言輯之且刊行於世矣晉之時有虞徵士喜字仲

寧仲翔之族曾孫也諸虞世守家學而仲寧著述尤富

曰尙書釋問曰毛詩釋曰周官駁難曰論語對張論曰

孝經注及文集今皆不可得矣其存什一於千百者惟

虞徵士遺書序

一四期藏書
約圖刊本

馬國翰所輯曰論語讚註則錄自皇侃論語義疏曰志

林新書則取陶南村說郛兼採三國志諸書補錄者也

攷唐馬總意林卷六

今所行五卷本脫去余得張洽僧六卷本爲譚復堂所校補

載

虞喜著志林二十四卷虞喜作盧達今印行說郛仍其誤蓋字形

相近而訛也意林僅引東海之魚墜一鱗一條王伯厚

困學紀聞引諸葛恪傳注況長寧以爲君子一條

見困學紀

開攷史類而馬氏則廣之然舉隋書經籍志稱爲三十卷意

林稱爲二十四卷者止此而已曰廣林曰釋滯曰通疑

皆錄自杜佑通典而他書無及焉曰安天論則雜采太

平御覽孔穎達尚書正義徐堅初學記而以隋書天文志爲主總觀六書志林篇幅較多餘則寥寥數百字數千字而已毫芒流落天壤間者強識博聞已可得其大概誠如馬氏所云使得覩其全書當必有蒐羅古今而折衷微妙者矣夫士不幸生非其時高枕柴門寄其身於殘編斷簡之中偃蹇而不欲與世接者豈得已哉人所惡者陸沈泥滓時所善者翱翔雲霄朝無爭辯之臣士有苟祿之志此晉御史中丞熊遠所爲太息陳詞而虞徵士所由屢徵不起矢志清貞專心經傳者也曾稽

虞徵士遺書序

二四明叢書
約開刊本

先賢祠傳贊曰鳳翔千仞下覽德輝公之終隱世與我違嗟嗟俗子突梯脂韋蕭然遠引寥廓高飛嗚呼虞徵士之流風遠矣於是重刻其遺書而論之且爲汲汲焚世務者勸民國二十一年三月後學張壽鏞序

晉書本傳

虞喜字仲寧潭之族也父察吳征虜將軍喜少立操行博學好古諳葛恢臨郡屈爲功曹察孝廉州舉秀才司徒辟皆不就元帝初鎮江左上疏薦喜懷帝卽位公車徵拜博士不就喜邑人賀循爲司空先達貴顯每詣喜信宿忘歸自云不能測也太寧中與臨海任旭俱以博士徵不就復下詔曰夫興化致政莫尙乎崇道教明退素也喪亂以來儒雅陵夷每覽子衿之詩未嘗不慨然臨海任旭會稽虞喜並絜靜其操歲寒不移研精墳典

虞喜傳

四明叢書

約圖刊本

居今行古志操足以勵俗博學足以明道前雖不至其更以博士徵之喜辭疾不赴咸和末詔公卿舉賢良方正直言之士太常華恆舉喜爲賢良會國有軍事不行咸康初內史何充上疏曰臣聞二八舉而四門穆十亂用而天下安徽猷克闡有自來矣方今聖德欽明思恢遐烈旌輿整駕俟賢而動伏見前賢良虞喜天挺貞素高尚邈世束脩立德皓首不倦加以旁綜廣深博聞彊識鑽堅研微有弗及之勤處靜味道無風塵之志高枕柴門怡然自足宜使蒲輪紆衡以旌殊操一則翼贊大

化二則敦勵薄俗疏奏詔曰尋陽翟湯會稽虞喜並守
道清貞不縈世務耽學高尚操擬古人往雖微命而不
降屈豈素絲難染而搜引禮簡乎政道須賢宜納諸廊
廟其並以散騎常侍徵之又不起永和初有司奏稱十
月殷祭京兆府君當遷祧室征西豫章潁川三府君初
毀主內外博議不能決時喜在會稽朝廷遣就喜諮訪
焉其見重如此喜專心經傳兼覽讖緯乃著安天論以
難渾蓋又釋毛詩略注孝經爲志林三十篇凡所注述
數十萬言行於世年七十六卒

虞後二傳

二 虞 傳

約圖刊本

壽鏞按餘姚縣志全錄晉書本傳延祐四明志後加
無子弟預四字並注云墓在明州又於闕澤傳注云
喜所居乃句章之南山世目其山曰大隱見夏侯氏
先地志今屬慈谿諸虞墓亦多在慈谿是時慈谿地
乃句章縣亦隸會稽郡而與餘姚接壤故史槩曰會
稽餘姚云今考虞氏子孫居三北者綦繁三北者鎮
北慈北姚北也詢諸虞君洽卿歷歷爲余述之益可
徵諸虞之生於斯葬於斯延祐志之攷注爲不謬矣

光緒餘姚縣藝文志

虞喜尚書釋問一卷 乾隆志案隋書經籍志作虞氏尚書釋問一卷不題名今從來際鄭

氏通志定 毛詩釋十八卷 乾隆志題 周官駁難五卷 隋書

經籍志孫琦 贊鄭玄論語注九卷 唐書藝文論語新書

問于寶駁 案隋書經籍志注宋司空法曹張略等對張論十卷 撰論語疏入卷此書蓋答張略等意也 孝

經注三卷 志林新書二十卷 隋書經籍志作三十卷 乾隆志案志林在宋

初尚存太平御 覽多引其說 後林新書十卷 隋書經籍志 廣林一卷 馬氏玉函山房輯佚書馬國翰序廣林一卷晉虞喜撰

隋志志林新書三十卷下云梁有廣林二十四卷又後 林十卷虞喜撰亡唐書藝文志有虞喜志林新書二十

卷又後林新書十卷不載廣林佚已久矣考杜佑通典 四明叢書

虞喜尚書釋問

約圖刊本

引虞喜說凡二十節除標題釋滯通疑八節明標廣林 者一節他皆稱虞喜曰循其文義皆雜論禮服知為一

書語引者舉一例餘不標廣林者皆文也茲 據輯錄釋滯通疑二書別為編次附著於後 釋滯一卷

馬國翰序釋滯一卷晉虞喜撰隋唐志載喜所著書無 此書之目杜佑通典引三節題曰虞喜釋滯豈喜別撰

此而史志佚之耶抑其為志林廣林後林篇目之一耶 疑不能明仍依通典原題錄存一種其說大夫降其旁

親為士者一等云為據諸侯成例包於大夫以相兼通 以滕伯文周代諸侯而從殷禮讓明通唯駁鄭氏禮

注再祭練祥其間之祭不同時而除喪以時 為日庾蔚之議其不近人情分別觀之可已 通疑一卷

馬國翰序通疑一卷晉虞喜撰隋唐志並不載杜佑通 典與虞喜釋滯並引皆論禮服而此則論劉智喪服釋

疑以通疑名意其因劉書而作如王基毛詩駁韋昭辨 識名之類歐從通典輯錄五節仍其原題與釋滯比次

附廣林之後即以補 安天論一卷 乾隆志案首書天文 後林之缺焉可也 志虞喜兼覽識緯著

安天論以難渾蓋謂天高窮於無窮地厚測於不測天
確乎在上有常安之形地魄焉在下有居靜之體故常
相覆冒方則俱方圓則俱圓無方圓不同之義也其光
耀布列各自運行猶江海之有朝汛萬品之有行藏也
其說與姚信
所天論並行集十一卷隋書經籍志題奉朝
請虞喜集十二卷

序

論語虞氏讚注晉虞喜撰喜字仲靈餘姚人預之兄晉書有傳册府元龜云虞喜累徵博士不就說毛詩略注孝經撰周官駁難又注論語讚九卷新書對張論十卷隋書經籍志論語九卷鄭玄注晉散騎常侍虞喜讚又云梁有新書對張論十卷虞喜撰亡而唐藝文志亦有虞喜贊鄭玄論語注十卷陸德明經典序錄不著讚注之名則二書先後並佚矣猶幸皇侃義疏載其二節亟錄存之攷鄭注子桑伯子爲秦大夫王肅曰伯子書傳

論語虞氏讚序

一四册叢書
約園刊本

無見焉茲取說苑孔子見伯子事隱規鄭失且以補子雍之缺也使得觀其全書當必有蒐羅古今而折衷微妙者乃顧使高文典册湮而不傳能不使人慨惜哉歷城馬國翰竹吾甫

論語虞氏讚注

晉四明虞 喜仲寧撰

雍也第六

仲弓問子桑伯子子曰可也簡仲弓曰居敬而行簡以歸其民不亦可乎居簡而行簡無乃太簡乎

說苑曰孔子見伯子伯子不衣冠而處弟子曰夫子何爲見此人乎曰其質美而無文繁吾欲說而文之孔子去子桑伯子門人不悅曰何爲見孔子乎曰其質美而文繁吾欲說而去其文故曰文質修者謂之

論語虞氏讚注

一四明叢書

約園刊本

君子有質而無文謂之易野子桑伯子易野欲同人道於牛馬故仲尼曰太簡無文繁吾欲說而文之

皇侃

義疏

鄉黨第十

邑斯舉矣翔而後集曰山梁雌雉時哉時哉子路供之三嗅而作

邑斯舉矣翔而後集此以人事喻于雉也雉之爲物精傲難狎譬人在亂世去危就安當如雉也曰山梁雌雉時哉時哉以此解上義也時者是也供猶設也

言子路見雉在山梁因設食物以張之雉性明徹知其非常三嗅而作不食其供也正言雌者記子路所見也

同上引
虞氏贊

論語虞氏讚注

二四明叢書
約園刊本

論語虞氏讚注

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本